



Møteprotokoll for Formannskapet

Møtedato: 29.01.2018
Møtestad: Formannsskapsrommet
Møtetid: 09:00 - 12:00

Frammøtte medlemmer	Parti	Rolle	Merknad
Tom Kristian Thorsen	SO	Ordfører	
Kristin Nåmdal	SA	Varaordfører	
Ann-Jorunn Farestveit	SO	Medlem	
Kjetil Eikefet	SA	Medlem	

Forfall meldt frå medlem:	Parti	Rolle	Merknad
Linda Neset	SO	Medlem	Forfall

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	

Sakliste

Saknr	Tittel
001/2018	Godkjenning av innkalling og sakliste
002/2018	Godkjenning av møtebok
003/2018	Referatsaker
004/2018	Orienteringssaker
005/2018	Forankring - prosjekt ACT-/FACT-team.
006/2018	Feilregistrering
007/2018	Tilknytning av fritidsbolig/hytter til eksisterande fibernett i Modalen
008/2018	Drøfting sak - regulering av nytt bustadfelt

Notat frå møtet:

001/2018: Godkjenning av innkalling og saksliste

Behandling:

Samrøystes godkjend

Vedtak:

Innkalling og sakliste vert godkjent

002/2018: Godkjenning av møtebok

Behandling:

Samrøystes godkjend

Vedtak:

Møtebok vert godkjend slik ho ligg føre

003/2018: Referatsaker

Behandling:

Samrøystes teken til orientering

Vedtak:

Referatsaka vert teken til orientering.

004/2018: Orienteringssaker

Behandling:

Ass. rådmann Ove Sæbø orienterte om status i saka om hurtigladar for elbil på Mo. Dersom prosjektet skal realiserast vert det naudsynt at Modalen kommune er med på å finansiere kostnadane, anslagsvis med ca 250 000 kr. Det vert laga eiga sak på dette som kjem opp i neste møte i Næringsfondsstyret.

Rådmannen informerte om endringar i administrasjonen. Osterøy kommune seier opp avtalen ang kjøp av økonomisjef, slik at Modalen kommune må tilsetje eigen økonomisjef. Stillinga vert lyst ut snarleg.

Kristin Nåmdal informerte om at Ungdomsrådet i Modalen ynskjer å involvere seg meir i politiske saker og presentere seg for kommunestyret. Formannskapet foreslo at Ungdomsrådet kjem på kommunestyremøtet 22. mars.

Kjetil Eikefet stilte spørsmål ved om det er driftsproblem og ustabilitet knytta til bowlingsbanene på Bryggeslottet. Han hadde fått tilbakemeldingar på at bowlingbanene i periodar ikkje virkar slik dei skal, og at tilreisande kundar av og til ikkje hadde fått spele grunna tekniske problem.

Administrasjonen undersøker saka og kjem med tilbakemelding på neste møte.

Kristin Nåmdal stilte spørsmål om status i saka om opprydding av Sæten og tilbakeføring til jordbruksland. Teknisk sjef Tone Selmer Skuggevik informerte om at Landbrukssjef Laila Bjørge er på saka, og at teknisk etat er i gang med arbeidet. Det har vore kontakt og befarung i lag med grunneigar.

Vedtak:

Sakene vert tekne til orientering

005/2018: Forankring - prosjekt ACT-/FACT-team.

Behandling:

Ass. rådmann Ove Sæbø orientert kort om prosjektsøknaden og kva kommunar som er med i prosjektet. Intensjonen med arbeidet er å ha eit døgnkontinuerleg beredskapstilbod for menneske med alvorleg psykisk lidning og/eller ruslidning.

Framlegget vart samrøystes vedteke.

Vedtak:

Modalen kommune stiller seg bak prosjektsøknad om etablering av tverrfagleg ambulant /oppsøkande samhandlingsteam (etter ACT-/FACT-modell) saman med dei øvrige nordhordlandskommunane. Årleg kostnad for Modalen kommune er foreløpig budsjettert til kr. 65 000,-. Prosjektperioden er 3-årig.

006/2018: Feilregistrering

Behandling:

Vedtak:

007/2018: Tilknytning av fritidsbolig/hytter til eksisterande fibernett i Modalen

Behandling:

Rådmannen orienterte kort om saksgrunnlaget og innhaldet i framlegg til vedtak. Framlegg til vedtak vart samrøystes vedteke

Vedtak:

Modalen kommunestyre vedtek at fritidsboligar og hytter kan kople seg til eksisterande infrastruktur for fiberframføring i Modalen på følgjande vilkår:

Eigar av fritidsbolig/hytter må sjølv dekke alle kostnadar med framføring og påkopling av fiber og tenestetilbod til sin eigedom frå eksisterande fibernett.

Framføring og påkopling av fiber til eigedomane skal utførast av autorisert firma(BKK).

Eigar av fritidsbolig/hytter må sjølv dekke alle kostnadar ved evt framtidige reparasjonar og/eller utbetringar av fiberkabelen mellom tilkoplingspunktet frå eksisterande fibernett og eigen bustad.

008/2018: Drøfting sak - regulering av nytt bustadfelt

Behandling:

Teknisk sjef Tone Selmer Skuggevik orientert kort om framlegget til agenda når saka skal opp til ny handsaming i kommunestyret. Rådmannen foreslo at ein på grunn av kapasitetsutfordringar for tida på teknisk etat ventar til mars/april før ein tek saka opp igjen. I og med at det vert lagt opp til synfaring på alle dei aktuelle områda, er det og ein fordel om det ikkje er snø når ein skal på synfaring. Formannskapet slutta seg til framlegget, og saka vert sett opp på kommunestyremøtet 26. april. Som førebuing trykker administrasjonen opp Kommuneplanen til alle representantane i kommunestyret, og deler den ut på kommunestyremøtet 15. februar.

Vedtak:

Formannskapet slutta seg til framlegget, og saka vert sett opp på kommunestyremøtet 26. april. Som førebuing trykker administrasjonen opp kommuneplanen til alle representantane i kommunestyret, og deler den ut på kommunestyremøtet 15. februar.
